

邦侯 李弘澤  
總裁

楊文彩

邑侯

楊廷琚鑒訂

劉時遠重訂

儒學

李長年  
張

校正

縣尉 李士會

一路界

蘆山縣至雅州一百里至成都省會五百五十里至  
京師一萬一千三百里正路出東南二門渡水東  
蘆山縣志 一

河過樊任二埧張公橋新安鋪橫山老君溪入關

城界縣界止此閔城屬州地出大灘腦連三坡龍

猖盖二郎廟多營平過宋村渡入雅州西門

蘆山小道出縣東門過龍門河登八步閔縣界止

此過魚喜河越鎮西山下火井入邛州西門先代

小路深箐難行今因

朝廷命引發茶關險成梁竟為通省會便道為天全

二土司過縣出入必由之路

蘆山東界羅城山綿亘八十里自鎮西山起歷孫

公嶺至飛仙關

蘆山南界自飛仙關城遡羅帶水至三江口

蘆山西界自三江口從流上隔糧坡山分嶺水分  
心與天全分界

蘆山北界自隔糧坡抵金波崖靈鷲山靈源洞東  
出魚喜河與天全分界

內西界水東鄉六半黨小土坪縣民買土承縣糧  
間於天全界內

內北界靈關關城屬蘆山縣靈關後屯綏川亦間

蘆山縣志

二

有縣民縣地承糧載冊

一形勝

蘆山遠居天末彈丸一隅非名城大都形勝似無  
煩講也然左思蜀都賦載闢靈關而為門又蜀志  
云瞿塘為前門靈關為後戶河圖括地象熊耳靈  
關為後戶夫靈關蘆之北境也天下總輿考載礪  
門臂視諸番夫礪門蘆之西境也可見蘆雖山邑  
邊界防維咽喉保障亦有關於蜀之重輕則形勢  
又何可畧哉

東羅城山又俗呼羅純山志名始陽山盖山勢綿亘如羅城羅純則從山外雅州鄉名而呼之也志名始陽山者日出於東若陽之從茲始也其山路可通各山以及邛州扳木緣崖難於縱步不通牛馬聲鳴山應大雨隨至

南飛仙關禹貢和夸底績地也崖如刀截壁立百仞中通一線古名多功峽俗名多功河謂禹治水之功到此加多也關名飛仙謂惟飛仙可渡也

西靈鷲山即西漢司馬相如所鏤之靈山也其山

### 蘆山縣志

### 三

外則靈關有漢使司馬相如鑿靈關道碑一所字皆漢隸傍則總志所載之百丈山即金波崖關外則董卜韓胡地也長溪短溪山無正路由之則開舍之則塞間以木梯橫空攀仰而越徒杠崖懸亦棧道之類

北八步關鑿石成階僅八步下則河水飛奔上則山石巖巖欲下

古志云始陽東峙大渡北流 明志云靈關碣門之咽喉臨邛雅安之屏翰 大清志云東則羅城

綿亘南則漏閣扼塞西則沫水奔騰北則八步天  
險  
竹全仁曰炎鼎存劉戴中山為正統鐘簾奠李廻  
劍閣以中興是知忠義者莫如蜀土也守一隅而安  
錦水留貞銘於駝荆殲二士以表丹心藏忠魄於  
龍尾是慕節義者莫如蘆人也蘆之峯巒端竣氣  
脉清竒必有如眉山三蘇應草木之枯而生大展  
其名儒正士之風以為光於斯邑者地靈人傑豈  
虛語哉

蘆山縣志

四

一星野

蘆山禹貢梁州南之盡境上分鬼井之次八參一  
度

按鬼井屬南方參屬西方次八間之所謂西南之隅  
坤維之地 井八星二十四度主泉水亦主諸侯  
帝戚三公之位 鬼四星二度主鬼神祠事 參  
十星十度主忠良孝謹

竹全仁曰井者條理也鬼者文星也加以參之忠  
謹故蜀之張氏父子忠勤理學炳烺乾坤蘇氏父

子節義文章燦爛宇宙蘆邑雖崖疆正坤維之環  
端豈無分星野之靈而苞符其間者勿謂天文家  
無足憑也

一山川

龍尾山 治脉來龍七里形龍尾故名

佛圖山 明治西見或雨有後聖燈連由一上生十至山數十氣晴

耀山俱載總志

明李東陽詩

閒訪維摩不二禪青驄馳上佛圖巔山前山後重

蘆山縣志

五

重景城外城中淡淡烟霜雪不欺棲鶴樹塵埃難

近講法筵飲餘回首下山去雲鎖柴扉月映川舊志

始陽山 治東十里俗呼羅城山西魏名治以日之

百步山 治北四里路

蘆山 治東九里樹木叢雜又云縣龍如蘆根倒地故

龍頭山 治東十里名天龍麟如龍取龍麟為麟之溝意以山

龍虎山 治東十里其下名河石

靈山 俗呼靈鷲山治西北十里與圖列蜀山之八通勝

梵刹盛夏有雷掃殿佛圖燈光夜至殿中及

鉢早視之乃人間未有飲之木菓也其下有生三橋馬鞍一  
山為沫水晴空則建文星樓右金波崖其下有丈  
下為沫水晴空則建文星樓右金波崖其下有丈  
麒麟下抵芭蕉灣中抵三江口麟出則光現大約  
悉山靈所致

明朝列大夫竹密天生橋詩字心齋

一派嶙峋接地生誰人不說是天成仙凡隔絕無  
來往故設慈航渡衆行

馬鞍山詩

殿前天馬擁雲端日出丹霞掛繡鞍不是風鞭策  
不動為留勝槩古今觀

蘆山縣志

六

本朝邑侯張啓鼎字五一遊靈山二韻老僧蓋指木

鷲峯石起萬層巔上得巔來唯有天躡足分苔尋  
古跡低頭撫石聽流泉沙門拱瑞靈偏應枯木生  
春色倍鮮細問來由何自得老僧指點說因緣

二

猝到此山欲盡收幾多風物自相遊龍蟠虎踞峯  
峯秀鳥喚猿啼處處秋有氣泉崖如應苔無聲花  
草恁沉浮新晴照得山光好極目長林看日頭

邑鄉先生竹即裔同遊和韻字水生

六盤九曲上巒巔古剎凌雲別一天夜靜熒熒來  
遠火朝霞淡淡起流泉路開漢使平如底苔隱唐  
年色更鮮歲月悠悠誰能待靈峯今日有竒緣

二

山遇高人景不收精神打起壯同遊枯枝復茂猶  
云夏殘葉將黃知是秋鬼斧成形隨上下山濤如  
海恁沉浮沙門鱗拱無人識說破石龍欲點頭  
竹全仁追和前韻

盤空躡翠上山巔古殿雲樓勢逼天天馬掛鞍騰

蘆山縣志

七

紫電石龍開口吐清泉水名一味一盃滿光現金  
波五色鮮我愧先人留句好振衣千仞洵前緣

二

千里幅幘一望收前人遊過我來遊勢高日居萬  
尋地境靜年成四季秋日月不嫌如箭去乾坤到  
處等雲浮名登八勝誠無忝天末山靈也出頭

邑侯孫雯鏡

字

藻亭遊靈山四韻

康

熙

庚

午

素有登臨約纔逢此日閒良朋聯轡入絕巘一藤攀  
草沒東西澗雲開遠近山老僧無個事永晝掩松關

二

燃燈曾說法遺跡到如今  
水滴真三昧崖懸古萬尋  
殘碑題歲月飛鳥語升沉  
隨意留詩去聊酌乞句心

三

萬疊山如抱孤峯似掌擎  
雲疑從地起橋說是天生  
仄逕通番漢深林少送迎  
到來九想寂何用訪蓬瀛

四

夾道松篁合行行霧亦濃  
欲尋香界路但聽遠山鐘  
風雨棲岩虎農昏卧鉢龍  
勞人閒憇息歸騎一從容

蘆山縣志

八

學博段朝偉字子京同遊和韻

從公尋勝地亦趨此時閒  
古寺凌虛建遊人向險攀  
崖飛三昧水橋鎖兩重山  
鷄犬無聲到松扉向月閑

二

創建由來古登臨喜自今  
名流容唱和勝地得追尋  
有路通霄漢凌空看陸沉  
塵緣雖未了酣醉亦清心

三

峭壁千霄上平空一柱擎  
群峯隨霧合萬木接雲生  
大界分中外高僧懶送迎  
幸陪仙令入雙鳥似登羸

四

萬慮俱消處安閒睡更濃日高三丈地飯熟幾聲鐘  
名刹常棲雀蒼枝欲化龍老僧偏解事乞句故雍容  
天全招討高一柱字梅坡聞和  
相邀遊靈鷲探竒好送閑嶺高猿馬力道險藉藤攀  
霧失猿啼處雲開境外山秀峯歷不盡束帶叩禪關

二

俯首思遺跡壯懷延至口烟霞容易領勝槩未能尋  
疊嶂因雲沒落花逐水沉臨風瞻魏闕徒負向葵心

蘆山縣志

九

三

歷遍棲霞嶺靈峯不可擎境因情有累靜始性無生  
衆壑目前過涼風谷口迎行吟歸騎懶恍若到蓬瀛

四

憇息巖邊寺豪吟對酒濃眼中無俗擾耳畔但聞鐘  
且學降饑虎漫言制毒龍冥心皆自得歸轡待從容  
竹全仁同遊和韻

鷲嶺多塵靜遊觀因政閒竹懸欲鳳附藤掛作龍攀  
猿鳥鳴空谷烟雲補破山相如今宛在極目望靈關

二

危岡傳自昔勝槩選於今翠合天恒小嶺高日僅尋  
山濤湧湧兀流霧自浮沉立馬層巒上長吟竟快心

三

群峯欲地拔怪石似天擎山僻路為靜春融物更生  
崖花逢客笑野鳥向人迎漫道雲程遠追踪學步瀛

四

壯遊乘興起佳景抑何濃句句谷相語聲聲風送鐘  
斷巘嘯似虎古木矯猶龍願挽乘羊子傳盃舒笑容

蘆山縣志

十

竹全仁靈山文星樓碑記

西川靈鷲山高聳雲外離天尺五居八勝列鏤於  
西漢闢之為門久入蜀都之賦倚若後戶早歸形  
勢之圖祇園之勝毓秀之源設險守國之意畢俱  
焉其前則天生橋轉而疊起獨峯上插青霄下起  
龍脉建之層樓僉曰文星盖取靈隱寺詩桂子月  
中落天香雲外飄之意名不逃禪形不落俗萬山  
如螺萬水如帶日照則金世界雪砌則玉乾坤東  
眺漏閣壯禹績之神南俯佛圖羨山靈之永西覽

天全敬籓垣之帶礪北瞻董卜愛天外之享王若

逢王勃盧襄輩其揮之筆底者不知若何富麗也

雖然黃州岳陽酸風未退籌邊閱江迂冗堪悲斯

樓雖地當蜀末然雄峙清幽似甲天下且**袖**子照

聰有晉慧理風味創修始於壬辰落成在於戊戌

予盛夏避暑於茲援筆之石盖以此高勢峻呼吸

與天相通所以不敢文飾其詞者恐驚天上人爾

崖鉢山上治有西石鉢因名其山上下雲漢莫測其高崖

七里山日治邑北七鼓樂會聚如脉為縣治每年三月三

蘆山縣志

十一

祈年也爭奪秧標為苗秀之兆

月光山治如東北五故名十里間有

龍門河石治百東北五死居民無至正五年二龍爭飛一噴

自邛州九子山界西流一口過魚喜河外經冷砧河南流會於金雞峽

步關清源河至雅州入平羌江

聖水治東湧出十分為連筒引之聖名一里許伏流二二

老君溪治又南樵夫屢見丹床石竈有傳意老子經不宿見於

今溪傍崖上老君像尚存

明李東陽詩

老子猶龍神莫測宿溪仙跡是誰傳青牛遠遠從

關出紫氣融融向日邊道德一經開後聖色空二

字洩先天流沙西去不知處遺像猶然覩逝川

清源河治北自靈山祖龍下發源出雲峯洞後深潭相傳內有魚王歷年既久呼吸風雲後天

旱禱之以下三江灰苦葛投水之即飛兩河至縣合龍門河

至雅州入平羌江

沫水治西二銅里出靈閣過靈山金波崖今名

楊庵曰沫水出蜀西南徼外八羅帶水蓋青衣之源沫水與龍門清源和水匯於多功

峽而出雅為平羌者也

### 蘆山縣志

### 十二

竹全仁曰唐虞名和夸商周名羌漢之沫水經靈

關繞靈山右崖會龍門清源水下羅帶會和水羌

水自礪門來者為和水共為青衣水古詩云想見

青衣江畔路白魚紫笋不論錢即此地也自禹跡

所及蘆山已八九貢即江水亦領派於斯以視周

王轍迹不至謝公展齒不及之地為何如耶

一建置沿革

蘆山縣禹貢梁州之域同雅州在商為氏羌地周屬雍州秦徒楚莊王之族以實之立嚴道縣屬蜀郡漢因之晉屬漢嘉郡李雄時廢宋齊梁無郡縣仍羈縻於益州西魏生聚日繁為始陽縣屬蒙山郡隋廢郡為蘆山縣屬雅州宋大業初改屬臨邛郡唐復屬雅州尋改蘆山郡乾元初改大渡縣復屬雅州五代孟知祥置永平軍宋仍屬雅州元至元中改屬嘉定路後改州為碉門黎雅魚通長河蘆山縣志

西寧遠等處安撫司尋改宣慰使明仍為蘆山縣屬雅州

清興因之

秦嚴道漢屬蜀西魏名始陽隋名蘆山宋名大渡  
元省八明復名蘆山編戶  
一貢賦

明代蘆山原糧 二千三百六石三斗乙升七合一勺二抄 人丁二千五百四十三丁 丁糧共徵銀二千七百六十七兩五錢八分五毫四

系四忽

皇清順治四年何縣丞奉行減二徵八 去糧四百  
一十五石七斗七升乙勺六抄 減銀四百九  
十八兩九錢一分四厘乙毫九系二忽 存糧  
一千八百九十石五升四合六勺九抄六撮  
徵銀丁糧共二千二百六十八兩六錢五分六  
厘三毫五系二忽

康熙二年奉文京丈 載糧三百八十一石七斗  
五升二合六抄 丁糧共徵銀八百二兩八錢

蘆山縣志

十三

四分一厘零

康熙二十五年奉行

為曉諭蜀民等事

加糧一百六十六石五斗八升八合七勺  
共徵丁糧三百五十兩三錢四分二厘零

康熙三十年奉文

為直陳東省等事

增糧一千一百九十一石七斗四升七抄  
共增丁糧銀二千五百六兩二錢七分四厘零

現載

黃冊共糧一千七百四十石八升一合八勺三抄  
丁糧共徵銀三千六百五十九兩四錢五分八  
厘零

明制天下府州縣編賦役黃冊以一百一十戶為  
里催丁糧多者十戶為長餘百戶為十里之十戶  
名曰全圖其不能十戶或四五戶若六七戶皆名  
半圖里各編一冊冊首為摠圖鰥寡孤獨不任役  
者則係于百一十戶之外者之圖尾曰畸零冊

蘆山縣志

十四

蘆山鄉分三水東龍門清源照明制分里分甲定  
役康熙二十三年縣正遲焯議不分里甲照糧均  
攤除紳士外每年輪流應里排身役其雜役亦照  
糧起科遂為定例  
其煙役即差役例也康熙三十五年縣正羅之熊  
以蘆山城分四街鄉分十二黨除紳士外每年輪  
流應保甲黨甲遂為定例

按周禮均人掌均地政凡均力七政以歲上下豐  
年則公旬用三日焉中年則公旬用二日焉無年

則公旬用一日焉凶札則無力政無財賦則收地  
守地職不均地政三年大比則大均

朱翼有曰三代役法莫詳於周伍兩軍師之法此  
兵役也師田追胥之法此徒役也府史胥徒之有  
其人此胥役也比閭族黨之相保愛此鄉役也然  
有司徒焉則因地之善惡以均役有族師焉則較  
民之衆寡以起役有鄉大夫焉則辨年之老幼以  
從役有均人焉則論歲之豐凶以起役故其事力  
也相稱而其為役也適平而又軫念國中之民與

蘆山縣志

十五

夫貴賢能勞老疾之人及其新甿則無征役凶札  
則無力政而族師一職又聯其比伍閭族使之相  
保相愛此皆先王役民之義而存仁民之心者也  
嗚呼民之生於斯時者亦幸矣

胡傳曰春秋凡用民力必書其所與作不時害義  
固為罪也雖時且義必書見勞民為重事也

蘇子民政策曰民之所以供上之令者三曰租曰  
調曰庸租者地之所當出調者兵之所當費庸者  
歲之所當役也故使之納粟於官以為田之人

八布帛以為兵之調歲役其力不役則出其日之所直為役之庸此三者農夫皆兼為之而遊惰末作之民亦不免於庸調

呂氏中曰司焉光主差役王安石主顧役蓋嘗推原二法之故差役之法行民雖有供役之勞亦以為有田則有租有租則有役皆吾職分當為之事無所憾也其所可革者衙前之重役也官物陷失勒之出官官網費用責之供農民之所不堪苟衙前之役募而不差農民免任則民樂于差之法矣

蘆山縣志

十六

至顧役之法行民雖出役之直而闔門安在亦無怨也其可去者寬剩之過數耳實費之用固所當出額外之需非所當誅苟寬剩之數散而不斂則樂于顧之設耳因其利而去其害二役皆可行也臣竊以謂古今役民之法必兼用是二者然後行之不偏非特利害相懸而已實相資以為用也按蘆山崖邑斗城偃草從風惟上之令守土俗安舊制童而聞之長而經之亦如擊壤之農忘帝力於何有耳但蕞爾一區萍聚子遺土瘠人滿斗種

斗糧承糧者此民承烟者此民若深味文侯反裘之喻尹鐸繭絲之言寧為倪寬不為巨源寧為陽城不為嚴武造一隅之熙皞登彈丸於時雍是所望於賢明之父母也

一城池

舊蘆山縣建在龍門清源二水合聚之間蜀漢姜維

始陽縣在龍門水東金鳳山之陽西魏建今廢

大渡縣建在今清源水之西靈山之麓麓亦名嚴道縣宋

蘆山縣明成化中典史汪浩就姜維城拓之閣下石

蘆山縣志

十七

連姜城之麓麓東臨龍門河西北倚清源河

瀑右瞻佛圖

相傳始建之曰浩欲僅抵龍尾山麓麓守禦百戶竹

鳳以為不上圍山頂則城不能守賊如俯視即知

虛實於是自率所軍築三百丈

蘆城雖非百雉然形勢頗壯石砌亦堅倚山臨河

預立難拔之槩明末天全土司攻蘆流寇賊宋李

國傑四十日不能破盖由城建得所雲梯樓車未

可即施始信竹鳳之先見為不誣也

按春秋書城穀梁謂大抵皆譏城郎浚邾譏失時也重民力也然易曰王公設險以守其國胡氏亦謂有用民力之大而不書者為教之意深矣公修泮宮復闕宮非不用民力也然而不書二者復古興廢之大事為國之先務如是而用民力乃所當用也蘆邑四城原有城堞城垣堅固雖非金湯亦壯邊隅之勢時際和樂亦杜竊盜之萌孟子不云乎鑿斯池也築斯城也當事者其深復隍之慮乎

蘆山縣志

十八

一 衙署

蘆山縣縣衙一所治內西北明代舊基康熙五年

內孫雯鏡繼之愈增華彩羅久之熊立箭道八

角樓芙蓉亭植梅

縣丞衙一所裁廢

主簿衙一所裁廢

典史衙一所康熙五年蘇人陳漢同修建王廷衡

巡按分司衙一所康熙四十年改為分防

字今撤兵改為義學

儒學教諭衙一所治內建內學宮三十右康熙九年江就舟

株明倫堂康熙四十五年羅廷瑞重修植桂二

博文齋

明倫堂左右俱燬

約禮齋

儒學訓導衙一所治內文昌宮之左黎廷相建

靈關巡檢司衙一所在靈關城內裁廢

守禦蘆山縣塩井所百戶衙一所裁廢

陰陽學訓科在治前廳燬前代衛族世襲俗呼衛土官

醫科訓術在治前廳燬前代李族世襲俗呼李土官穿

蘆山縣志

十九

僧會司一所

道會司一所

申明亭俱治前燬廢

旌善亭

迎送亭治東二里燬

演武亭治東郭外燬

迎恩亭治南郭外燬

養濟院治西城外燬

漏澤園治西石枋存

一樓閣

平襄樓

北宋時建  
尚存

對花樓

宋黃庭堅建與東嶽廟相對在廣福寺之前  
樓燬址存

江城樓

康熙五年縣正  
張啓鼎建

金井閣

明竹密建

明朝列大夫竹密金井閣碑記

按蘆山縣來龍起自七里山辭樓下殿分枝劈脉  
兩水界傍至寶子山結雲錦之帳搏換水星一里  
許號曰龍尾山成縣治焉東峙貪狼西照太陰火  
蘆山縣志 二十

炎於南土居其中崑然成五星聚講之局亦云偉  
矣自建邑以來歷唐宋至我明時科第興起不常  
者何哉說者僉為學宜南向學後金井崗雖蜿蜒  
而欠特達出脉處雖成水星而少波浪宜建樓閣  
以聳主星余密於丁巳年解綬歸捐金百餘率衆  
改東向南夫文筆在南方火星也以地之靈值午  
之歲故一時濟美人文稱盛非天時與地利所致  
耶是歲春正偕學博黃君諱鑑臨邛人陟斯巔而  
眺望焉遂有建閣之謀即命堪輿擇向定基坐甲

向庚壬申年七月平基至十月初十日豎樓閣一座鄉官竹可樑廩生竹應官所建也樓下之魁星其像善士張進所塑也正庭三間神像龍門隱士楊萬文所塑也前曹門五間左右廊房各三間後有空塚誌書載將軍墓相傳姜公諱維曾築城於縣遂以為此公之塚及查三國志此公為鄧艾所刺亡於成都剖之胆大如斗此塚未必是此公也亦以漢將遺踪石坊表而留之土地堂并像善士董學所修也厥功所費余與男樑柱楹高共捐銀

蘆山縣志

二十一

各百兩首倡採木鳩匠不辭勞苦不避風雪至於分日供匠男柱高與萬文任其費士民商賈捐助崇禎五年三月內樓閣正殿曹門廊房俱以蓋罩若白衣庵鄉官可柱與鄉官王家禎祈嗣修建外余捐資買戴宅沙地一塊在閣後舒宅沙地二塊亦在崗後又水東駱繼重水田一斗係楊萬文所遺也每年租二石一石以完錢糧一石納閣以充性容焚獻常住未及一年而厥工告成庶幾主星屹立登高四顧指九天為大廈望兩江於衣帶萬

里來龍突生頭角聳玉柱以參天奠金鰲而駕海  
朝陽之地漸培梧桐萋萋高崗之上徐聽鳳凰啾  
啾吾庠之騰踏飛黃者蓋不止此也斯舉也固以  
助風氣尤以安聖神為士民朝拜祈禱之所見像  
作福未必非興起為善之一機也嗟乎不為之倡  
則前工孰創不為之識則後人誰考刻石記事以  
垂不朽倘天道有知其鑒予之衷士民有心其念  
予之苦若施而望報非余心也謹識

崇禎癸酉撰

竹全仁曰先大夫謂此塚非此公蓋避嫌也敬詩

### 蘆山縣志

二十二

以辨之即先人亦無敢諱恐失真耳知我罪我挨  
之明見

九伐中原世重姜得收斗胆葬蘆陽山高猶憾乾  
坤小水遠如流節義長北幕李陵難與比西湖武  
穆始堪方前人誤謂非公塚俠骨忠魂何處藏

清邑侯張緒守備吳敦簡九日偕紳士登金井閣吏  
員張應宸送酒竹全仁送菊學博樊澤遙賦其事

龍山勝會又重開冠履如雲接踵來儒雅叅軍標  
秀韻風流太守負竒才題糕不愧劉郎筆送酒恍  
同杜老杯惟有此君知愛菊乎襄隴上共徘徊

一關梁

靈關一名臨關漢建明設巡檢司查驗董卜出入屬蘆山今裁廢

宋辟田成都百韻倚劍靈關凌絕頂又古詩諸葛

提兵大渡津河流禹鑿迥如新彩雲城廓了無跡

黑水波濤亦有神象馬遠來銅柱貢犬羊不動鉄

橋塵靈關在眼平于掌歲歲蒲莠苜蓿春

陳陰鑑蜀道難

王尊奉漢朝靈關不憚遙岷巔長有雪雲棧屢經燒  
輪摧九折路騎阻七星橋蜀道難如此功名詎可要

蘆山縣志

一十三

孔德紹送蔡君知入蜀

靈關九折險蜀道二星遙乘槎若有待希泛廣陵潮

按靈關云鏤傳於司馬為門出之左思不惟為蘆

邑之要地抑且為全蜀之要地也膺鎖鑰之守者

曷容忽譜

飛仙關治東南之百夫莫踰地兩山夾峙大河中貫

設守存司明廢司

明雅安進士山西副使甘來學飛仙關詩

誰辨離樓非雅州多功峽內看山頭禹王治水真

神力劈破千層伏地流

明雅安進士河南提學李向陽過飛仙關詩

漏閣何巍巍猿聲日夜聳洪流穿澗出孤鶴傍崖歸  
峯萃天恒小壑深日漸微羊腸策馬過無處挾仙飛

明雅安進士傅良選即蘆景題寄鄉先生竹密

飛仙天外馭迴龍要立靈山第一峯好把佛圖懸

瀑布免教白虎肆威容

清建南道憲王曰曾入蘆宿飛仙關詩

斫橋危欲墮峭壁險無雙鳥道盤山勢魚腸盪石淙

蘆山縣志

二十四

天高懸一線水激瀉三江猿叫空林月雲停破廟  
幢漢番均得路正待覓靈龐

八步關

治北通邛州路

飛仙石橋

蘆邑侯張啓鼎修

分司橋

邑侯張啓鼎修

壽仙石橋

明修

蒲塘石橋

清建

張公橋

邑侯張啓鼎改建板橋年久毀圮邑侯張楊緒

廷琚重修

邑鄉先生竹即裔張公橋碑記

康熙六年

九景物因人得名山水以人增重如嶺名相公山  
名相臺蓋其德澤之在人心而不禁其形之口者  
古今無異情也我張公籍太原簪纓世胄奉

命來蒞茲土厚民生培風教而兵燹之餘殘疆漸有  
起色隱然有平平王道在民意中蘆之東南大道  
溪為蜀西南孔道漢使通靈關由此舊有石橋丙  
午夏澗流頻漲怒濤衝崩上承深箐下臨大江亂  
石磷磷如起如伏於深谷之中一時行者馳者負

蘆山縣志

二十五

者褰裳却步誕登無從張公目擊心傷次年春捐  
俸重建且為之疏有云雖天實為之守土者亦不  
能無尤又有吾望其波濤不怒履險不驚之句入  
此言於民之心推此心於民之口遂不禁謳吟於  
塗乃橋未成望之者莫不曰張公橋將成既成而  
履之者亦莫不曰張公橋樂哉民心快哉民口縱  
太史珥筆以題諒不如今日之口碑為真切也紳  
衿耆庶亦不敢增減一字即如民之所言命名曰  
張公橋焉行將與相嶺相臺名傳千載倚橋檻而

望山之高水之清津津稱道於不衰盖始也名之而繼也並忘其所為名也因為勒石以誌不朽

羅公橋

城東康熙丙子邑侯羅之熊修因河水暴急恒舟沒人溺故環以鉄索今如坦途邑

人德焉

建南道憲王諱曰曾鐵索橋碑記

從來任國家事當實心實政為地方作久遠之計遺久遠之福勿謂地當岩疆責為守土牛刀斬於小試而遂為旦夕之謀已也今

聖天子加意三知謂為親民之官慎選能員以經濟

蘆山縣志

二十六

斯民而羅公以世胄勲臣膺簡命為蘆邑宰鉄心鉄腸日以富教為意蘆風最樸而人幾滿公命民修堰築堤破山取水疏渡鑿達靡不周詳而旱田為陸海矣又命民去雜植家給金錢以買桑株數年之間四城垂蔭三鄉分繭可以補耕之不足而民富可拭目而俟也猶念邑之東郊大江中貫波勢奔騰恒楫斷舟沒溺傷甚衆乃相其地勢修波岸建鉄索大橋長三十六丈寬四尺橫索十條環紐八十四上鋪以板兩岸豎亭閣所費千金經

始於康熙丙子仲春告成於康熙丁丑孟夏予駐  
節雅安邑民凌士臣李正福叩轅而以羅公之修  
堰種桑並建鉄橋功為予告且請記予曰修堰種  
桑富民久遠之計也建鉄索橋遺民久遠之福也  
皆王政之大者由公體

陞見之命以饑溺為己憂故能以實心而行實政如  
此豈鳧飛豸紅獨為仙令之佳話哉特撰而記之  
於石公諱之熊字子濱陝西安塞人

索橋治北十里名龍門渡明七年生員王應墮

蘆山縣志 二十七

橋溺死知蘆山縣事沈士本永定為渡免其  
渡夫差徭行者便之事

河中石嘴鐫有石墨載酒時遊處數字書之者

雅安傳進士石墨即蘆山程孝廉也

沫江鐵索橋治西即周村上下橋與天全連界上橋  
在天全界內上下皆通天全

叙府陳思來視叔陳丹仙於沫江詩

沫江日夜響東流鉄鎖橫飛枕上游世路險夷空  
裏度人生踪跡断中浮天涯何處稱知己故國誰  
能老白頭一自相如通竿道幾回車馬野雲愁

小板橋治北明鄉官竹載陽建

大板橋 治北今 易以石

鄉先生竹雍朝記 康熙甲子建

古有徒杠輿梁之設王政之大端寓焉盖使民不病涉之至意也然猶需歲月之暇日而始成茲邑北有大板橋創自吾鄉明紳李氏諱必欽之結構也年來傾圯殆盡凡往來者不無趑趄之嗟有天王古剎比丘繼崑發心捐貲鼎建不乞人一錢不募人一粟毅然以身任之且易木架而為石洞上復庇以瓦盖較前更為鞏固不逾年而告成雖曰石

### 蘆山縣志

二十八

橋而板橋之名如故也由是步履者如遵周道馳驅者如適康莊暑則憩於斯雨則蔽於斯耕者食於斯樵者歌於斯即高人曠士莫不徜徉於斯凡講信修睦亦莫不冰釋於斯古所謂王政之大端斯非其一徵耶謹勒石以誌不朽

周村堰 治西由隔糧坡出周村邑侯羅之熊重開其水愈盛有碑

馬口堰 治北自高山懸視而下灌溉一方邑侯孫雯鏡修

龍洞堰 治西北由靈山中龍洞懸視四十八丈下山坡灌廟基山静智寺盡頭坡等處

天生堰 今名侯成堰

鄉先生竹雍朝碑記

堰名天生由來久矣然堰之所以得名者蓋自峽口大石之間江流分瀉澎湃而出其源來遠而湍急其勢趨下而疾注藉使早施人力則瀕江南畝可以悉資灌溉此誠天生自然之利而惜乎前人憚於謀始未及經營僅就峽口分流處所引溉橫溪以上之田橫溪而下以及繞郭膏腴未得盡沾其利堰名天生不過橫溪以上之舊名耳我邑侯羅公蒞任之初周諮民隱博採輿情履畝勸農之

蘆山縣志

二十九

暇相彼原隰毅然舉工蠲貲俸脩鍬鍤於橫溪以上則議幫議築以裕水源於橫溪以下則議䟽議鑿以開水道不數月而田間溝澮錯落縱橫遠近皆沾蓄洩高下盡成沃壤較之從前之利奚啻十倍有餘一時士民交相額手曰今日之堰侯成之也因更其名曰侯成堰夫始曰天生以言乎先天也今日曰侯成以言乎後天也皆所以誌喜也考周禮遂人掌野匠人治溝王改所重自古有然乃三代而後上下因循棄而不治且吾蘆為極邊之區

臨是拜邦者又孰肯以牛刀小試而我侯獨鯁鯁焉

以王政為重宜乎士民之歌功頌德勒石以垂不

朽也爰為之記

青龍堰

治北樸頭堰邑侯羅目水灌田畝天旱建以

下源埧高柳頭

即舊大渡縣

索橋高柳頭

鄉人王登薦相其基址年修數座鄉人賴其創建苦水埧之名可以不存也

安益埧高柳

西水高柳

柳俗名也始於陳仲子原曰桔槔三鄉無堰之處

蘆山縣志

三十

悉資取水惟下源索橋安益兩水地勢深險厥功

愈艱

竹全仁桔槔詩

寶鏡誰將列水沅轉翻晝夜似九輪隨來連袂復

隨往自吐循環又自吞勢藉波濤能取舍體持圓

活可流敦形同浴日非卑技補得天功雨露恩

古三江渡

古大渡

古路由三江渡經佛圖山入大渡縣自屠侯聿清

疆界軍民不混關險成梁另開水東坦塗三江大  
渡俱不由也

宋蘆山進士楊巽大渡縣詩

大渡城南大渡河平流如掌絕風波騰空天馬卑  
烟霧拔地文星卻綺羅靈鷲蟠龍毓秀遠佛圖嘯  
虎鍾英多彼蒼眷我崖疆重勝槩生成永不磨  
一風俗

蘆山上古風俗未載大約山深水靜樸厚居多宋  
元無異姓惟衛李二族明則或宦留於斯或流寓

蘆山縣志

三十一

淹久生聚繁夥遂成世業而民風增飾

載雅志云 樸素無華勤儉有守

明代三百年間蘆民年七八十翁未嘗出飛仙關  
不尚逢逸<sup>迎</sup>即登甲第而老嫗猶呼其乳名盖未雕  
琢故也

鄉人謠以相戒曰莫擾公堂莫入戲場公堂易遭  
刑辱戲場易溷時光種我豆插我秧一籽落地萬  
籽歸倉 有殺猪以易谷者咸相謠戒曰一斗谷  
稱斤肉一斤肉量斗谷不如不吃一斤肉也不量

那一斗谷留來六月煮清粥

無論富貴貧賤皆樂於教子讀詩書講禮教樵子  
販夫悉識字義各守生理不假商債

地方褊小三鄉皆川流中貫土厚二三尺即呼沃  
壤其餘石沙溷雜薄土浮泥甚至山脚梯田橫順  
不滿一弓農夫屈指計田塊偶失二坵蓋為簞笠  
所蓋而不見也早年山田厚收而原田薄收兩年  
原田有年而山田無年惟刀耕火種於山腰之間  
以支賦稅婦女悉拮据竭力於畝畝即鄉塾皆粟

蘆山縣志

三十二

粒洽比惟鷄酒非過儉也歲之所入不足餬口即  
如彼家有田一石生子三人則每子僅三斗之餘  
也子如再生三子則每子僅一斗之餘也安得不  
貧困至極安得不訖食他邦其忠謹愚魯者則寄  
衣食於兩肩兩足之間背運茶包等物以守祖宗  
墳墓以安故土且順治戊子己丑之年斗米三兩  
斤肉三錢則穀死而金生康熙甲子乙丑之年斗  
米低銀六分甕酒分半則穀生而金死嗟嗟山高  
負重血汗長流力軟筋疲芒鞋皆破總之賣

谷穀玉豐凶鐘乍毀鳴海田滄桑蘆民無日不在  
勞苦中也

恒以敬神為樂每年八月十五相傳為姜侯盡節  
之日立彩樓四十八座每座高十餘丈鼓樂會場  
聲震通邑

宋蘆山進士楊巽彩樓詩

邊黎重節義高聳豎珊瑚彩色凌霄漢鼓聲震俱區  
無塵新夏鼎有脚舊麟圖恍若天梯近扶觀塞道塗

明謫天全司馬尹夢壁遊蘆城詩有何陋居六番  
八詠

蘆山縣志

三十三

宦遊憑吊八姜城僻壤風同讀與耕幾處桔槔翻  
碧浪滿田秧曲賽黃鶯村藏學究書和史戶洽比  
隣弟與兄地闢中天猶古意牛刀小試莫相驚  
竹全仁訪尹先生意

大渡橋頭側耳聽話傳野老說叮嚀唐虞水鑿留  
古道漢宋碑存重典型山谷晚年未贊菜綠左思學  
博賦關靈生來自憾蛙居井天未孰知是翰屏  
署蘆事張學堯崇儉約

蓋聞養財務節其流奢國宜示以儉救所失之大

則飲食非微化易侈之心而宴會尤急永懷樽節  
轉移之責固已屬在吾曹共挽紛華丕變之風是  
所望於今日期以可通上可通下市野行之均宜  
求其不過豐豐不過嗇主賓樂焉永好惟懷斯約以  
杜奢源願告同人咸崇儉德隆 自踰盛饌惟訂  
六簋以為程過品私悅嘉賓敢罰一羊而示戒  
按古靈陳先生為仙居令教其民曰為吾民者父  
義母慈兄友弟恭子孝夫婦有恩男女有別子弟  
有學鄉閭有禮貧窮患難親戚相救婚姻死喪鄰  
蘆山縣志 三十四  
保相助無墮農業無作盜賊無學賭博無好爭訟  
無以惡陵善無以富吞貧行者讓路耕者讓畔班  
白者不負戴於道路則為禮義之俗矣孔子曰吾  
觀於鄉而知王道之易易也夫敦古道去薄習厚  
人倫培風俗地方要務莫切於此蘆山人滿地窄  
游手逐末者日衆加以少年競言尖挑人情易流  
放利恐非本來面目習俗移人賢者不免居今思  
古眼底堪傷當事者幸勿謂江河日下而不可挽  
也

一秩官

漢設令一員郡屬蜀

隋唐設縣令一員屬臨

宋設知縣一員屬雅

元省八  
巖道

明設知縣一員

縣丞一員

主簿一員

典史一員

蘆山縣志

三十五

儒學教諭一員

訓導一員

靈關巡檢司一員俱屬雅

守禦蘆山塩井所正百戶一員

副百戶一員俱屬司行

皇清蘆山縣設知縣一員

典史一員

儒學訓導一員

康熙三十年添設儒學教諭一員

康熙三十九年設分防守備一員 把總

旨撤歸五十年黎雅副府李玉斯詳請奉

雅州知州

明

孫籌

知榮經縣署雅州雅蘆爭羅城山界嶺籌立親臨嶺以東屬州嶺以西屬縣山嶺立親碑一所書孫公嶺三字

項聲國

南直進士蘆山天全爭界聲國親臨剖斷山分嶺水分心今踏斷處台基猶存

皇清

李成棟

湖廣文武進士臨蘆均糧民戴其恩

姚銳

蘆攝民德之公立德政碑後

蘆山縣志

三十六

李容之

奉憲勘蘆民田畝處決公平

楊文彩

以分府特授

蘆處宇下悉托庇蔭九奉 簡書以臨邊即為

下邑之公祖總紀則繁失志則畧惟車騎曾經

姜城崖疆親覩顏色龍光在望芳跡已著特表

姓字永佩儀型云爾

蘆山知縣

明

歐陽寧

黃顯

羊亨

趙良 永康人由進士任都給事調廬山賑窮

周安 武岡人知廬山縣令屏奸去暴興革咸

朱澗 明宗室

周裴

屠巒 事見邊

李一本

陳表

廬山縣志

三十七

汪浩 典史署築城祀名宦

陳百萬

陳珮

王猷 死國難

明代父母不能盡紀惟稽有遺蹟遺文者載之

以誌不忘

皇清

周鳳儀 折江烏程士

張啓鼎 滿洲

顧向類江舉人本朝恢復辦餉勤勞拔士

遲焞滿洲人

孫雯鏡浙江貢監

羅之熊旗人蔭生之勸民栽桑修堰建鉄鎖橋陞

沈士本由蘆浙留江進士

沈杰曰沈州侯甘署棠縣事有賢聲百姓為之立坊

張緒江南舉人蘆人稱曰第一仁慈父母

王瑋旗下舉人

李弘澤有名去山思碑後署以蘆軍事功政陞嘉定明州士民戴德

蘆山縣志 三十八

楊廷琚由任浙蘆民進攀士轅長泣如厚失學所問怙敦寔以病

劉時遠由堵湖蘆民舉立有下惠商之恤日民除坊丁戶艱市回野

籍

楊文彩旗人雅州知州兼攝

趙河雲南人辭職回籍

王立憲河南人署事未久陞綿州知州

王世睿山東舉人陞天全州又陞直隸瀘州知

吳班由福建武舉陞廣東肇州知州

馮捷聞江南副榜試署

竇 丕 名山典史署

鄭九常

蔣進禮 河南人 慈愛待民 卒於官 人思

謝承茂 名山 典史 署以能

胡 翊 山西人

李士會 浙江人

明

儒學

楊 林

蘆山縣志

三十九

向時雍

潘 家

石 瑛

汪千里 揮毫古勁 詩句清竒

皇清

高雄飛 汶川人 恢諧有度

江舟楫

段朝偉 簡州人 舉動循禮 訓誨不倦

楊 鑑 瀘州人 靜養足法

羅廷瑞 倫以禮前自見者修慕之署手植桂花二補於明

熊熙周

蒲裔程

朱大年 儀老存手人度

樊澤遙 庚午舉人

黎廷相

李長年 副榜就教

張正猷

守備

周銘常 由武進士

蘆山縣志 四十 樂雍容詩字風雅蘆山寺

吳敦簡 廟由武進士禮樂雍容詩字風雅蘆山寺

明

百戶

竹銘 守元將竹真附之孫洪武十三年父雲南留

王忠 副百戶全監修城 右衛指揮使征建昌敗績降守禦世襲

竹兆夢

本自朝加都司八世至元兆夢 亥旨率改軍軍保為守民殘為黎蘆民德之苟順治丙戌丁

一學宮

學宮一所

啓聖宮一所

東廡一所

西廡一所

櫺星石坊三

名宦祠一所

鄉賢祠一所

明倫堂一所

博文齋一所 約禮齋一所

蘆山縣志

坊

四十一

前街騰蛟起鳳木枋東西各一座

奉直大夫昆陽知州邑人陳萬策遷學碑記

聖明遵愛養人才為家法擇置學宮為第一務按

蘆庠舊址向南煥乎文明之象也前文筆插天後

來龍七里左羅城掛玉右佛圖絢彩脉完氣聚擇

置之得其當乎是以四科三第如方伯張公秋闈

受薦驄馬埋輪動搖江右且士生其間品多磊落

胸次凌霄無一靡靡者及嘉靖庚戌縣尊周公或

惑

於術士之見輕舉向東之遷雖至戊午王之賔捷

順天鄉試而造就原始於此至今科目寥寥向東  
之不善可知諸士久議復勢有不能幸於萬曆丁  
巳之秋叅憲竹公密解綬歸來力以遷復為己任  
謀於諸士曰予雖黃金橫帶而夙志未展俟之青  
衿輩耳遂捐金命匠鳩工經營籌度不惜焦勞時  
則金溪張公繼而平溪鄭公亦捐金勸事值 酉  
之變暫輟聖殿巍矣而兩廡未整正堂峩矣而兩  
齋未設公日夜不得自暇以大功未竟為慮于丁  
卯冬公仍捐金付之能幹幸賴中原楊公握符下

蘆山縣志

四十二

車明庶為治興我斯文鼓舞激勸更有甚焉槩然  
分俸助其不建越次年而櫺星戟門前後落成一  
時宗廟之完美運數之轉隆勃勃矣易云窮則變  
變則遷况此復也而非遷也遷則新卜其地其效  
未可料復則仍還其舊其前驗已足徵也地之靈  
者人必傑也行將產珪璋之英儲棟樑之噐昂首  
奮翼爭相雄飛者不蔡可知也况不持拾青拖紫  
博名高已爾仰山斗而切景行之思何必遠宗徃  
哲叅憲公其覲面之典型哉公操觚時以心質聖

賢以身許朝廷孝可方曾閔治可媿龔黃龍章申  
錫一堂四世濟濟登闕觀者有餘羨焉願諸士心  
公之心志公之志君臣父子之道著而長幼朋友  
之倫敦藏則儲華國之宏詞出則建柱石之遠猷  
無負先後之雅意亦無忘惓惓屬望之教澤可也  
公之功永公之賢彰將何以報公惟有血食於千  
秋耳予於政暇之餘特不避蕪言以紀其盛  
一名宦

漢司馬相如 奉詔闢靈關

蘆山縣志

四十三

唐張柬之 時蘆屬益州

宋黃廷堅

雷簡夫 至和初儂智高走入雲南蜀人驚怖

樊汝霖 舉賢拔後薦眉州蘇氏父子郡邑奮志

宇文仕

明

屠巒

汪浩

趙良

周 安

項 聲 國

皇 清

王 曰 曾

名 宦 跋

仕 宦 之

之 舄 已

植 竹 立 祠

蘆 山 縣 志

蒸 嘗 於 春 秋 逾 於 彝 鼎 豈 惟 蘆 口 四 方 其 訓 之

一 鄉 賢

宋

楊 巽

明

張 斐

督 學 道 余 批 曰 故 宦 張 斐 卓 乎 清 淡 之 操 儼 乎 端 厚 之 器 司 代 巡 之 大 典 膺 方 岳 之 重 寄 其 所 任 者 風 紀 而 所 本 者 仁 義 缺 居 顯 要 者 二 十 年 而 第 宅

名 黍 稷 之 馨

明 德 雖 王 公

荀 君 之 香 猶 在 望 碑

淚 豈 徒 然 哉

也 列 姓 字 於 沫

奚 啻 口 碑 定

四 十 四

田園一如為士六十捐館而少婦堅守冰操所謂  
寧靜以居心家齊而國治者歟

缺

### 竹密

督學道馮批故宦竹密孝友傳家清忠許國鳧飛花  
邑澤遍地以流膏熊軾邊方才隨施而輒效司專  
闡而文事武備之兼優受分藩而上安下全之胥  
當輔幼君於長沙才子之規模如在攝國政於雒  
郡戇臣之矩度猶新其拂衣也高彭澤之節其尸  
祝也成畏壘之風出處因時山林之經濟更著吉  
蘆山縣志

四十五

凶同患枌榆之功德尤深洵先進之芳標而後來  
之卓軌也輿論既孚月旦血食應享春秋

王儒 鈇文

### 程之緒

督學道陳批云故生員程之緒學有淵源品同圭  
璧擅轡龍繡虎之譽見諸躬行讀宛委石室之書  
得其要領秀才任天下之任山林憂廊廟之憂邑  
乘志林班班可考鶩湖鹿院燈燈相傳邊邑有鄒  
魯之風後學八游夏之室

鄉賢跋

建首重祀典宣廟廊列鄉賢惟輿論咸欣故  
國家推重後學訓其程式里黨服其芳規克共典  
型永垂萬世實惟二公允師  
一學校

明洪武二年詔天下郡縣并建學校以作養士類  
定在京府學在外府州縣學生徒之數自六十人  
蘆山縣志 四十六

以至二十人日給廩膳仍復其差徭八年立社學  
十六年奏准天下府州縣學歲貢生員各一人二  
十年令增廣生員不拘額數正統六年令府學一  
年貢一人州學二年貢一人縣學三年貢一人遂  
為定例十二年奏准令生員常額之外軍民子弟  
願入學者提調教官考選俊秀待補增廣名缺一  
體考送應試成化三年設衛學軍生員數有差有  
司儒學亦置軍生正德十年都司衛所學原定一  
年一貢者與設優等次等生員各四十名以次遞

減至各二十名通行提學官考補有多餘者  
附學以後於優等內炤例考選充貢萬曆十一年  
題准各提學每歲考校入學務要不失原額其  
方果係科目數多就試人衆則於原額之外量加  
數名但不許倍於原數如乏才之處亦毋得因而  
一槩取盈

皇清初考試童生進學不拘額數順治四年定每考  
童生大學進四十人中學二十五人小學十二人  
十五年定六年內止許隨歲考進童生二次十七  
蘆山縣志 四十七  
年定大學進十五人中學十人小學五人武學如  
之十八年定科歲兩考併為一考定貢例府三年  
二人州二年一人縣三年一人

康熙二十年奉

旨定例

蘆山縣下學

歲考 文童取進八名 武童取進八名

科考 取進文童八名

廩膳生員二十名

增廣生員二十名

貢士三歲一登

一仕宦

明張

斐

廣西御史節江西布政

李必欽

山東都司

任松

宗人府經歷八子致仕諸肩輿人羨其致

孟仁

知縣

孟

時兄弟顯達人稱六孟

胡龍

蘆山縣志

四十八

胡經文

胡經定

胡謨

胡承謨

叔侄並顯

竹嵩

常熟知縣

竹載陽

陝西城固縣當路贈曰蘆

程業儒

三水知縣

胥賢

平涼府理刑

李遇陽

管成

喻文華

竹凌雲

竹春

竹二陽

戴陽和

俞詔

程應麟

張文富

蘆山縣志

四十九

戴賓

駱瑞

竹密駐城鎮步府知都縣司維湖摩廣知叅州政曲道靖楚府府同長知史六越

王儒任知州

戴君恩

程之統

王用賓

陳萬策雲南昆陽知州姚安府

王家禎

陳平策由選貢之將北翻也然歸棹為蘆陽不高士不有近傳勢利

任道遠鴻鑪寺序班陞南城兵馬司

趙應第浙江麗水知縣

竹可樑霸州州判

竹可上

竹可柱

竹可楹

竹可高南城兵馬司福建建寧府通判高雷二

皇清

蘆山縣志

五十

程翔鳳任監軍僉事

鮮大生新繁井塩訓導浙江

周新命保縣訓導

胡聯雲福建四源知縣

竹長嶮遵義府訓導

程門嗣廣元縣教諭

趙新昭化縣教諭

一科第

宋

楊異 字與權 大觀進士

明

張斐 正德舉人

楊鼎 正德舉人

王之賓 嘉靖舉人 廬山籍

程復禮 廬山人 徽州籍

程翔鳳 崇禎舉人

廬山縣志

五十一

武舉

周冕

白圭

皇清舉人

趙作亨 丙子科

胡聯雲 己卯科

竹琦 甲午科

鮮冕 仇萬壽科 廬山人 新繁籍

武舉

王宣  
甲子科

蘇乾  
庚午科

副榜准貢

衛萬祥  
壬子科

蘆山縣志

五十二

舒應祖

王文澤  
俱甲午科

皇清貢士

竹郎裔

下應康熙元年貢  
筆立就清奇  
絕山名人重  
於末時廩生  
張詩破文

百城調考通省  
免盡殺於南  
橋蘆山詩子  
無三

遂存興郎人裔  
稱口為授清手  
伏復生以取教  
後漢伏生進口  
而傳一尚隅書  
絃之誦

義也載雅志

周景隆

康熙十二年雲貴有變十九年恢復二十三年復舉貢例

鮮太生

陳文裔

竹隆增

周新命

竹長嶮

蘆山縣志

五十三

趙新選貢

喻殿颺

程門嗣恩貢

任躍龍

白文朗

趙祚榮

周兆麟

王公璠

程法  
蘆山人名山籍

鮮樂生

李友鮮  
蘆山人雅州籍

楊萬全

竹楊齡

竹瑄  
錫齡子三臺縣訓導終養四籍

王應詔  
蘆山人名山籍

竹茲

竹艾  
渠縣訓導

羊瑾玉

蘆山縣志

五十四

周銓

竹瑋

王心廣

程仔道

樂國良

劉德昌

李光扉

陳啟泰

蘓元良

李祚蕃

汪萬福

凌雲

國學

竹應韶

李翰章

周廷玑

竹長楣

蘆山縣志

萬士俊

五十五

隱逸

明程之緒

矩博隱綜居書教史授善著書有文經性濟瑞內方言等助動篇必以規

清竹全仁

裔字孫冬也苗紹蘆述祖人志世沉號興朝伏通生典竹籍郎

志人採有緝疑無禮遺悉生質之非縣倫令常楊名廷教琚之聘語纂不縣

出諸口二年已七八卷十餘貌若少壯著有中

旨纂修世一雍正載十年隱奉乾隆元年頒行天下

節烈

馮氏

官年亦十四所適資布守政節張以斐終年未三十歲卒於

楊氏

學李道匾其門曰貞節腹生子柳郁訓子成名

蘆山縣志

五十六

馬氏

旌竹之陽繼妻幼年喪夫守志訓子當路

江氏

仲學魁許仲選兩孤存臥冰之堅舟節操以孝許

報母以子承允堪矜式鄉閭維挽頹風

清

田氏

喪明廩膳生子員裔竹僅應三宮妻也子年二即十嗣一歲即

年半田氏以柏舟自失訓有二年子成名侯享

撫憲詳明旌其門曰節壽

韓氏

廩生程門之妻康熙十五年節間侍門奉翁病

姑克盡孝道七子成身故守節四閭十里

旨建坊九年表雍正六年題請奉

凌氏 身縣故氏衛年長二卿之妻 康熙三十一年時夫

盡之祖父猶存凌氏紡織力淑事至克

十歲身故守節四十四年乾隆二年

旨建坊旌表

朱氏 蒲啟賢妻 家素不貧 遠行路一見銀包過拾

其門氏問即開號泣分之故曰失銀氏受即

傳之市井人以為美談也 極貧苦之婦

孝義

蘆山縣志 五十七

許仲魁 許仲選 事載前志

彭可富 邑侯張旌其門曰永言孝思

駱應咸 邑侯張旌其門曰樸孝可風

胡元雍 字玉南 經定五世孫 年十二遭破城賊負之

人母俞氏幸免於食難 兩弟病被床 攜褥土王三彝破城賊負之

平生淡泊自守 惟耕讀人教以子目擊次子

聯雲以孝廉筮仕 羅源人教以子目擊次子

張志賢 賦性和平 為人樸寔 起家負販篤念倫

勵憐孤恤貧勸規里黨捐助窮民詳請獎

駱應成

邑侯張旌其門曰樸孝可風

胡元雍

伯字玉南經定五世孫年十二遭獻賊之變父兄

難母病床褥三載偕室人俞氏親奉口食兩弟

被擄遍訪贖回平生淡泊自守惟耕讀教子目弟  
擊次子聯雲以孝廉筮仕羅源人以為孝友之  
報卒年九十

一流寓

范文光

川北進士避兵於蘆山有

植敏槐

邛州人避兵于蘆歸登辛卯鄉試開臨

陳丹仙

富順人隱居沫水之濱往來縣司善潑

蘆山縣志

五十八

一古蹟

漏閣

相傳神禹治水遺迹

兩面碑

在縣南五里面背皆有篆文

黃廷堅綠菜贊碑

蔡蒙之下彼江一曲有茹生之可以為菽蛙蟻之

衣采采盈掬吉蠲饒澤不溷沙礫芼以辛鹹宜酒

宜餗在吳則紫在蜀則綠其臭味同遠故不錄綠誰

其發之班我旨蓄維女博士史君炎玉

綠菜贊跋

宋紹興甲戌知縣李閔中跋云山谷老人綠菜贊刻石於蘆山古廟中歲更百禩典型儼存贊未有史君炎玉之句讀者多所未喻蓋指眉陽望族史氏女名琰者琰字琰<sup>炎</sup>玉髻朮資穎嗜學蘋蘩綫纈一不經意志業專確迺博古善續文雅安張士儀諱閻出守眉陽聞其才且賢納為子履婦炎玉于歸子履惟素冲淡不事鉛銻服澣濯之衣日游心於簡編翰墨平生臨覽之勝燕笑之適與子履詩詞酬唱格調閑雅久而盈篋手自叙次日曰和鳴

蘆山縣志

五十九

集善用禿筆字體莊勁少卿愛重之殊不責以中饋之職厥後少卿幼子介卿諱祉擢進士第調之青神尉是時山谷老人謫居涪城遡流見介誦親親之好蓋少卿之室江南黃按察諱廉之乃山谷老人姑輩也炎玉配子履實其親表因書致綠菜為信山谷珍其品以贊謝之有曰班我旨蓄維女博士史君炎玉猶有古人校書之蘆山楊與權諱巽先生年<sup>重</sup>八十炎玉宅相也觀間以行藝為郡學正每休休以甥禮待見

窮日論文且評課試近題淵源端緒不減謝韞解  
圍之辯傳播諸生咸推仰焉與權謂其美秀見許  
於文章宗匠慮浸久湮沉無聞詳其本末屬閔中  
記叙載石勉從其請

### 水名青衣傳奇

青衣水即多功峽滙沫水和水羌水而名之者也  
秦昭王時人有自峽中出者言見一老人眼碧而  
深髮黃成組寡腮懸額長喙衣青衣露頂跣足若  
有炫耀人目狀問其家居曰構木為巢有巢氏之

### 蘆山縣志

六十

鑿事也吾不居問其飲食曰庖厨犧牲太昊氏之  
侈靡也吾不食問其姓字曰創造書契食頡破渾  
噩之風也吾寧不識而存盤古之氣惟有衣與吾  
依者也收捲雲霞天之衣也長放花木地之衣也  
天得一以清地得一以寧天地間惟青為色首天  
亦青衣也吾故衣之與之談古今事咄咄惟羲皇  
是道訖唐虞而止絕口不言商周事况春秋戰國  
曰吾穴踞高嶺呼吸與天相通帝堯擊壤之老人  
吾友也巢父吾後學也許由吾弟子也問何不冠

曰天為冠何不履曰地為履問何配曰陰陽  
問何為曰定喘息以調燮而間泯是非以酒  
世棄功名以絕俗態之趨附樂安間以觀風塵  
蹶蹶如是而已問何往曰吾欲採太華十丈之  
種之蒙山之左以娛目欲請女媧煉一石以補  
門使勿洩坤維之氣欲逐白虎於嶺外而不使  
掌跡欲瀑布於朝暮以定陰晴粵東伸仙掌以  
之而我不往也東海怒天目以窺之而我不顧  
若挾九子劈青天而飛者固險壯也然而近僥倖  
蘆山縣志 六十一

者之所為其點睛而去者即夤緣汲引之路若繪  
刻之壁間柱上則虎皮羊質惟堪唾手耳吾隱於  
斯遠問五岳近揖三峩俯視一切凡富貴貧賤付  
之一瞬咀嚼雨露之味不數大牢嘻戲居諸之場  
原無甲子夫山名靈關名靈吾之靈也世儒掇藻  
逞麗楊氣運之靈詞甚媚曾命兒曹噴石結小陣  
使人稱為龍門勿令黃河獨擅佳譽今日者自揭  
其蓋另闢一門以為遊觀之所人問子吾為若德  
斯地僻俗古掀天者不至揭地者不來優哉游哉

人謂井底蛙抑又何耻正話間迅雷震谷大風拔  
木走石青衣老人竟為烏有先生也遂傳其事即  
名青衣水有謂自峽中出者盖李冰之子李二郎  
也詩曰河水清且漣漪青衣或狀水之清漪盖清  
漪非青衣也於義亦是

蘆山縣志首卷終

蘆志跋

蘆固蜀之天盡頰處矣熒其俗古蓋自流  
寇兵火蜀之士避居於斯故禮樂衣章畢  
萃厥邑亦今之之蕤芫源也而竹冬老挺  
生其間幼博經史魁梧晬盎兩目炯熒見  
者悉許以廟堂大器但厥事時藝浮雲富  
貴才甚敏人也以聯卒之曰雅之果出於  
離乎即應聲曰蜀蓋貧言其獨也遇事前

知吳逆僭號洪化因拆其字曰三也其七  
耳果連箭三號共七年而敗濯口倒其石  
心則曰李冰立三也以壓水精也今倒其  
心水患其衣免乎後果熒惟誠故明惟明  
斯誠始信道學種子長在心間也其堂聯  
曰隸富貴和仄貧君子觀有畝畝樂和貧  
老天使則其自命貧伊如生平精力特出  
底蘊取中庸而衍以共二十八卷經濟也

章豈詩設施而後見哉行將從而彌先分  
先賢之席列洙泗之場不繫乎知矣今以  
餘閒次蘆邑乘小邑之文獻其在筵乎吾  
楊劉二同寬得澹壘戒明於世俗之表誠言  
彊丹觀冬老有上下千古之識伊慮小邑  
品隄之取精具搜羅六合之才伊慮小方  
考核之未當吾取意天盡頭處有此學盡  
願之心冀弘李燾亦能獨擅其長也若醕

蘆志跋

一一

焚吟詩集予於夏長晝永時焚香讀之如  
與面談猶記予去蘆之三年蘆民扶老携  
幼祝予於蒙麓下予捧軍檄遠在取毛  
蘆之賈販運夫泥首邊署奉

簡命守嘉陽而走候者繹絡不絕始信蘆  
雖天末而古道猶存所以聞冬老之炙也  
甚悉且確今志已行梓故爰筆其行事於  
卷末以俟後之君子矣冬老立傳



峇

大濟康熨六十年歲次辛丑季冬之吉  
誥授奉直大夫知卯川直隸嘉定州前  
勅授友枕即知名山縣署蘆山縣事紀錄  
五次帶軍功三級金臺李弘澤拜跋

